



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԵՂԻ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արարատի մարզի Վեղի համայնք  
ք.Վեղի, Թումանյան 6, +(374)60881111 vedimunicipality@gmail.com

## Ո Ր Ո Շ ՈՒ Մ

22 ՀՈՒԼԻՍԻ 2024 թվականի N 1498-Ա

### «ԱՄԱ ՓՐՈԴԱՔՇՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ Ը ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

2024 թվականի հունիսի 20-ին Վեղի համայնքի /այսուհետ՝ նաև Պատվիրատու/ և «ԱՄԱ ՓՐՈԴԱՔՇՆ» ՍՊ ընկերության /այսուհետ՝ նաև Ընկերություն / Կատարող/ միջև կնքվել է մշակութային միջոցառման, ձեռքբերման ծառայությունների մատուցման N ՀՀ-ԱՄՎՀ-ԳՀԾՁԲ-24/05 ծածկագրով պայմանագիրը /այսուհետ՝ նաև Պայմանագիր/:

Վեղու համայնքապետարանի կարիքների համար մշակութային միջոցառման ձեռքբերման ծառայությունների մատուցման պայմանագրի (այսուհետ՝ Պայմանագիր) 1.1 կետի համաձայն՝ «Պատվիրատուն հանձնարարում է, իսկ Կատարողը ստանձնում է ՀՀ Արարատի մարզի Վեղի համայնքի կարիքների համար մշակութային միջոցառման ծառայությունների մատուցման պարտավորությունը, համաձայն սույն պայմանագրի անբաժանելի մասը կազմող N 1 հավելվածով սահմանված տեխնիկական բնութագիր-գնման ժամանակցույցի պահանջների:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ «Պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը»:

Պայմանագրի 2.1.3 կետի համաձայն՝ Պատվիրատուն իրավունք ունի միակողմանի լուծել պայմանագիրը (լրիվ կամ մասնակի), եթե Կատարողն էականորեն խախտել է պայմանագիրը. Կատարողի կողմից պայմանագիրը խախտելն էական է համարվում, եթե ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»: Հաշվի առնելով այն հանգամանքը, որ Ընկերությունը խախտել է պայմանագրով սահմանված պարտավորությունները, այն է՝

1. բեմահարթակը և սանդուխքները ըստ տեխնիկական բնութագրով սահմանված պահանջի պետք է լինեին 8\*6 մ /տելեսկոպիկ կարքավորվող ոտքերով, բարձրությունը 1 մետր/ չափերի, մինչդեռ դրանք եղել են 6\*6 մ չափերի:

2. այլումինե կոնստրուկցիա բեմահարթակը ծածկով ապահովելու համար պետք է լինեին 10\*8 մ /բարձրությունը 7 մետր, կոնստրուկցիաների հաստությունը 40 սանտիմետր/ չափերի, մինչդեռ եղել է 6\*6 մ չափերի:

3. կոնստրուկցիաների հաստությունը չի ապահովել 40 սանտիմետրը:

4. համերգային լուսարձակները, որոնք պետք է լինեին թվով 68 հատ, տեղադրված են եղել թվով 42-ը :

5. լուսադիոդային թվով 4 էկրանները, որոնց ընդհանուր մակերեսը պետք է լինեին 26 քմ, մինչդեռ ընդհանուր մակերեսը եղել է 24 քմ:

6. միջոցառման ընթացքում պետք է ներկա գտնվեին և անխափան ընթացքը ապահովեին համապատասխանաբար հնչյունային ռեժիսորը, լեդ էկրանների ինժեները, լուսավորողը և այլ սպասարկող անձնակազմ, մինչդեռ վերջինների կողմից չի պահպանվել միջոցառման՝ տեխնիկական բնութագրով սահմանված անխափան ընթացքը:

Վեդու համայնքապետարանը, ղեկավարվելով վերը նշված իրավական հիմքերով, 12.07.2024 թվականին միակողմանի լուծել է պայմանագիրը 6198800 (վեց միլիոն հարյուր ինսունույթ հազար ութ հարյուր ) ՀՀ դրամ գումարի չափով:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդօրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին:

Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդօրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Մասնակցի

անվանումը	<p>Հ Վ ՀՀ /Ֆ իզ ան ծի դե պ քո ւմ հա նր այ ին ծա ռա յու թյ ան հա մա րա նի 2ը</p>	<p>գործունեության հասցեն</p>	<p>գնումների գործընթացին մասնակցելու պայմաններին չբավարարելու իրավական հիմքը</p>			<p>ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը</p>
			<p>խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը</p>	<p>խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը</p>	<p>որպես ընտրված մասնակիցը հրաժարվել կամ զրկվել է պայմանագիր կնքելու իրավունքից</p>	
<p>«ԱՄ Ա Փ Ր Ո Դ Ա Ք Շ Ն» Ս Պ Ը</p>	<p>01 06 36 49</p>	<p>Ք.Երևան Բաբաջանյան փ, 39 /313</p>	<p>V</p>	<p>22.07.2024թ. N ՀՀ-ԱՄՎՀ-ԳՀԾՁԲ-24/05</p>		

Ղեկավարվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա) ենթակետով և նույն հոդվածի 2-րդ մասով, **որոշում եմ՝**


1. «ԱՄԱ ՓՐՈԴԱՔՆ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում 2 /երկու/ տարի ժամկետով:

«Գնումների մասին» ՀՀ օրենքի 6-րդ հոդվածի 2-րդ մասով սահմանված կարգով, գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով, վերջինիս տվյալները սույն որոշման կայացման հաջորդող օրը ներկայացնել լիազոր պետական մարմին՝ ՀՀ ֆինանսների նախարարությանը և մասնակցին՝ էլեկտրոնային փոստի հասցեին ուղարկելու միջոցով:

2. Սույն որոշումը կարող է բողոքարկվել գնումների մասին ՀՀ օրենսդրությամբ սահմանված կարգով:

**ՀԱՄԱՅՆՔԻ ՂԵԿԱՎԱՐ**

**Գ. ՍԱՐԳՍՅԱՆ**



2024թ. հուլիսի 22  
ք. Վեդի